



Fondacija tuzlanske zajednice

Vitalni znaci 2019

Konsultacije sa građanima

Razgovor sa članovima mjesnih zajednica na području općine Srebrenik



Pozadina

Fondacija tuzlanske zajednice je u okviru istraživanja o kvaliteti življenja na području TK "Vitalni znaci 2019" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocjenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu juli - avgust, održane u saradnji sa članicama Mreže aktivnih zajednica i predstavnicima mjesnih zajednica pri čemu su dvije fokus grupe održane ciljano sa ranjivim kategorijama u društvu, sa ženama i mladima.

Forma diskusije

Diskusije sa građanima fascilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su:

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na post itima napišu kako oni lično mogu i žele doprinijeti izgradnji bolje zajednice.

Ocijeni vitalnost svoje zajednice!

Diskusije sa građanima fascilitirane su od strane FTZ tima koji je vodio učesnike kroz 10 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.

Naime, u okviru istraživanja tokom jula 2019. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.



Datum: 17. juli 2019.

Oblasti za diskusiju: Rad, zapošljavanje, ekonomija i poduzetništvo, te Pripadnost i vodstvo, ljudska prava

U saradnji sa: Mreža aktivnih zajednica i Općina Srebrenik

Lokacija: Općina Srebrenik (sala Doma kulture Srebrenik)

Broj učesnika: 16

Sažetak diskusije:

Zbog značaja ovih tema i interesa koji za njih vlada u zajednici, diskusija je urađena sa zajednicama općine Srebrenik koje su članice Mreže aktivnih zajednica, kao i sa zajednicama koje nisu u Mreži aktivnih zajednica, što je omogućilo raznolikost prisustva predstavnika iz 16 različitih mjesnih zajednica.

S obzirom da su učesnici predstavljali različite tipove lokalnih zajednica koje se suočavaju sa različitim potrebama i izazovima u izgradnji bolje zajednice, tokom diskusije istaknute su određene razlike u trenutnom stanju i težištima za napredak. Nakon što je predstavnicima mjesnih zajednica predstavljena svaka od oblasti istraživanja, ocijenili su svaku oblast po subjektivnom nahođenju, te se detaljnije raspravljalo o dvije oblasti istraživanja od koje zahtijevaju društvenu reakciju.

Većina učesnika se složilo da je stanje u oblasti “Pripadnost i vodstvo, ljudska prava” zadovoljavajući, te je potrebno uložiti napor da se situacija održi ili poboljša. Dok dva učesnika smatra da je stanje u ovoj oblasti odlično, te da možemo biti uzor drugima.

Predstavnici mjesnih zajednica su se izjasnili da je “zdrava”, “vitalna” zajednica u okviru oblasti “Pripadnost i vodstvo, ljudska prava” mjesto u kojem je učešće mladih na izborima od vitalnog značaja.

Ono što je dobro u zajednici u oblasti “Pripadnost i vodstvo, ljudska prava” je volontiranje u MZ Tinja.

Ono što treba poboljšati u zajednicama na području opštine Srebrenik je volonterizam u svim zajednicama, sistem izbora bez korupcije (elektronski izbori), poštovati odluke MZ-ova, efikasnost administracije, te bolja komunikacija između MZ-ova i Općine.

Za oblast “Rad, zapošljavanje, ekonomija i poduzetništvo” većina učesnika se izjasnila da je stanje u ovoj oblasti zadovoljavajuće, te je potrebno uložiti napor da se situacija održi ili poboljša, dok jedan učesnik misli da je stanje zabrinjavajuće, situacija zahtjeva ozbiljnu društvenu reakciju.

Kada govorimo o ovoj oblasti građani su se izjasnili da “zdrava”, “vitalna” zajednica treba da ima visok životni standard (dostupan stan i posao).

Ono što je dobro u općini Srebrenik je potencijal za turizam (Kula), te uslovi za planinarenje, efikasno pokretanje biznisa i prirodna voda.

Treba poboljšati podsticaje za mlade po pitanju poduzetništva, pristupi (putevi) turističkim destinacijama, plate i životni standard, stimulisati poljoprivredu, poboljšati izvoz robe, te stimulisati natalitet u vidu nekih sredstava.



Pripadnost i vodstvo, ljudska prava

Građani su rekli

Kako izgleda „zdrava“, „vitalna“ zajednica?

- učešće mladih na izborima od vitalnog značaja

Šta dobro funkcioniše u vašoj zajednici?

- volontiranje u MZ Tinja

Šta se može poboljšati u zajednici?

- volonterizam u svim zajednicama, sistem izbora bez korupcije (elektronski),
- poštovati odluke MZ-ova,
- efikasnost administracije,
- bolja komunikacija između MZ-ova i Općine

Rad, zapošljavanje, ekonomija i poduzetništvo

Građani su rekli

Kako izgleda „zdrava“, „vitalna“ zajednica?

- visok životni standard (dostupan stan i posao)

Šta dobro funkcioniše u vašoj zajednici?

- potencijal za turizam (Kula), te uslovi za planinarenje,
- efikasno pokretanje biznisa
- prirodna voda

Šta se može poboljšati u zajednici?

- podsticaje za mlade po pitanju poduzetništva,
- pristupi (putevi) turističkim destinacijama,
- plate i životni standard, stimulisati poljoprivredu,
- poboljšati izvoz robe,
- stimulisati natalitet u vidu nekih sredstava



Šta ja mogu uraditi da dopinesem izgradnji zdravije i bolje zajednice?

- stvaramo mrežu prijateljstva, dijelimo informacije, povezujemo privrednike, promovišemo lokalni turizam
- promovišemo volonterizam, uključujemo mlade u aktivnosti
- radi se na demokratizaciji i zajedničkom odlučivanju